



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Parallelia Geographiae Veteris Et Novae**

**Briet, Philippe**

**Parisiis, 1648**

§. 1. Vtraque Mona.

**urn:nbn:de:hbz:466:1-13147**

## C A P V T III.

*Minores Insulae Britannicae.*

**P**RÆCIPVÆ sunt vtraque Mona, Ebudæ, Orcades, Thule.

*§. 1. Vtraque Mona.*

**M**ONA cuius meminit Tacitus in vita Agricolæ, freto tantum à Britanniâ dirimitur, si quidem ad eam Agricola, ut ante eum Suetonius Paulinus, sine nauibus suas copias traiecerunt. Druy-dum hîc luci per Suetonium victorem succisi. Hodie dicitur *Anglesey*, & malè cum sequenti confunditur.

*Mona* altera medio cursu inter Britanniam, & Hiberniam à Cæ-sare constituitur: Plinij *Menapia* est, fortè quasi *Monapia*; Bedæ & Orosio *Menauia*, Ptolemæo *Moneda*; hodie *Menauu*, & Britan-nicè *Moneitha*, quasi *Mona* remotior appellatur.

*§. 2. Ebudæ.*

**E**BUDÆ à Ptolemæo dicuntur; *Æbude* Stephano; *Hebudes* Plinius; *Betorice* Ethico; *Euoniæ* seu *Eboniæ* Gildæ Sapienti. *Hybridæ* ab Antiquis dictas, ait Mercator, sed cùm auctores nō laudet, cre-dunt aliqui in prauum codicem Plinij incidisse, vbi *Hybrides* pro *Hebudes*, legeretur. Giraldus *Inchades*, & *Leucades* dictas olim credit, sed quorum fide subnixus? Hodie *Occidentales* dicuntur, aut *Hybrides*, inquit Buchananus.

De earum Rege singularia leges apud Solinum cap. 25. *ille nihil proprium habet ne quidem fæminam, & ne ad auaritiam diuertat, disicit paupertate iustitiam.*

Quod ad numerum attinet, Solinus, Ptolemæus & alij quin-que duntaxat appellant; Plinius triginta, vtique veritati conue-nientius.

*§. 3. Orcades.*

A b Agricolâ primū domitæ sunt, non à Claudio, ut quidam fabulati sunt. De iis sic Solinus cap. 25. *Vacant homine, non ha-*